

## **Memoria xustificativa do convenio de colaboración entre Augas de Galicia, Portos de Galicia e o Concello de Burela en relación coas actuacións no dominio público portuario para a execución e mantemento das obras "Mellora do sistema de saneamento de Burela. Fase I. Novo colector xeral de Burela. Burela (Lugo). OH327.646"**

### **1 Antecedentes**

O 25 de abril de 2022 a Dirección de Augas de Galicia por delegación da Presidencia acordou aprobar a colaboración técnica solicitada polo Concello de Burela para a execución da obra "Mellora do sistema de saneamento de Burela. Fase I. Novo colector xeral de Burela. Burela (Lugo)", de clave OH.327.646, a prestar por Augas de Galicia, así como o seu financiamento nunha porcentaxe do 100% con cargo aos orzamentos da dita entidade pública.

Coa citada actuación preténdese mellorar a capacidade dos colectores existentes, evitar os alivios sen tratamento previo e concentrar, nun único punto, as augas para bombear á nova EDAR, funcionando como bombeo de cabeceira.

Así mesmo, Augas de Galicia ten intención de colaborar con Concello de Burela para licitar e executar a actuación "Mellora do sistema de saneamento de Burela. Nova EDAR de Burela. Burela (Lugo), de clave OH.327.694.

Para a execución das obras de referencia cómpre ocupar terreos pertencentes ao Dominio Público Marítimo-Terrestre e Zona de Servidume, e están incluídos na zona de adscrición do Porto de Burela, competencia de Portos de Galicia de conformidade co estipulado na Lei 6/2017, de 12 de decembro, de portos de Galicia .

A entrega ao concello de Burela das obras que execute esta entidade está regulada no Decreto 59/2013, do 14 de marzo, polo que se desenvolve a Lei 9/2010, do 4 de novembro, de augas de Galicia, en materia de execución e explotación de infraestruturas hidráulicas, pero faise necesario establecer unha colaboración para a execución das obras en terreos portuarios.

### **2 Obxectivos que se pretenden**

O obxecto deste convenio de colaboración é establecer as condicións básicas para a colaboración entre a entidade pública empresarial Augas de Galicia, a



entidade pública empresarial Portos de Galicia e o concello de Burela, para determinar as condicións nas que Portos de Galicia autoriza a execución das obras que se definen no proxecto "Mellora do sistema de saneamento de Burela. Fase I. Novo colector xeral de Burela. Burela (Lugo)", de clave OH.327.646, na parte que se desenvolve no dominio público portuario (no Porto de Burela).

### **3 Necesidade da colaboración e razóns de oportunidade**

Augas de Galicia é o órgano da Administración autonómica que ten atribuído o exercicio das competencias en materia de augas e obras hidráulicas.

Entre outras competencias, e de acordo co establecido na Lei 9/2010, de 4 de novembro, de augas de Galicia, correspóndelle a esta entidade a ordenación administrativa e a planificación das obras hidráulicas non declaradas de interese xeral (artigo 4.1 a)) e, de xeito concreto, no ámbito do saneamento e a depuración, correspóndelle a ordenación dos servizos de saneamento en alta (artigo 11.5 a)) e a elaboración dos criterios de coordinación das actuacións das entidades locais (artigo 11.5 b) e 26.2d)).

Para a execución das obras proxecto "Mellora do sistema de saneamento de Burela. Fase I. Novo colector xeral de Burela. Burela (Lugo)" cómpre ocupar terreos pertencentes ao Dominio Público Marítimo-Terrestre e Zona de Servidume, e que están incluídos na zona de adscrición do Porto de Burela, competencia de Portos de Galicia de conformidade co estipulado na Lei 6/2017, de 12 de decembro, de portos de Galicia .

A execución de infraestruturas de saneamento coma as que se pretende acometer resulta beneficiosa non so para a vila, senón tamén para a explotación futura das instalacións portuarias.

Na documentación técnica elaborada por Augas de Galicia, xustifícase a localización da depuradora no porto de Burela, baseándose na configuración da rede de saneamento de Burela, os condicionantes topográficos e a configuración da trama urbana de Burela. No informe se estudia a viabilidade doutras ubicacións, que quedan descartadas polos motivos mencionados. O proxecto obxecto deste convenio non implica unha modificación exterior do ámbito da EDAR.

A actuación da Comunidade Autónoma de Galicia e das entidades locais no ámbito do saneamento e depuración de augas residuais terá por finalidade contribuír á execución do bo estado ecolóxico das augas e dos ecosistemas



asociados mediante o cumprimento dos obxectivos establecidos na lexislación aplicable, fomentándose a reutilización das augas depuradas cando isto sexa viable.

Para a consecución destes e dos restantes fins e obxectivos establecidos en materia de saneamento, a Lei 9/2010, do 4 de novembro, de augas de Galicia, establece un mandato de colaboración entre as entidades locais, que ostentan competencias na materia, e a Comunidade Autónoma de Galicia.

Así, dado o interese coincidente de todas as partes na execución da obra de referencia, acordan regular os seus compromisos en relación coa posta a disposición de terreos, execución, titularidade, mantemento, limpeza e mellora da parte da obra que discorre polo Porto de Burela.

Consonte ao disposto no artigo 57.5 da Lei 6/2017, do 12 de decembro, de portos de Galicia, atendendo ao obxecto e á finalidade do acordo prevése unha duración do acordo de 15 anos, desde o día seguinte ao da súa sinatura, e poderá prorrogarse por acordo expreso das partes ou extinguirse con anterioridade por causa de incumprimento dalgunha das partes ou, por cambiar a finalidade das actuacións.

#### **4 Estimación de custos e financiamento**

A sinatura deste convenio non implica a asunción de ningún compromiso de gasto para Augas de Galicia polo que non precisa consignación orzamentaria, xa que se refire a establecer as condicións básicas para a colaboración para determinar as condicións nas que Portos de Galicia autoriza a execución das obras que se definen no proxecto "Mellora do sistema de saneamento de Burela. Fase I. Novo colector xeral de Burela. Burela (Lugo)", de clave OH.327.646, na parte que se desenvolve no dominio público portuario (no Porto de Burela).

O financiamento da obra nunha porcentaxe do 100% con cargo aos orzamentos de Augas de Galicia foi aprobado pola resolución do 25 de abril de 2022 da Dirección de Augas de Galicia.

Para a tramitación deste convenio, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.

En Santiago de Compostela, na data da sinatura electrónica





A directora de Augas de Galicia  
Teresa María Gutiérrez López

